

## Respice Finem

Morte cruel, esa tredora maña  
de roubar de non cato a humana vida  
¿con qué ollos a podeche ver cumprida  
na Santa Reina que hoxe perde España?

Se aquel rancor que te carcome e laña  
che tiña a mao para matar erguida,  
¿non deras noutra parte esa ferida  
donde non fora a lástima tamaña?

¿Non se torcera fatal costume  
i a lei que iguala do morrer na sorte  
os altos Reis cos baixos labradores?

Terrible en fin, é teu poder, ¡oh Morte!,  
pois diante de ti, Reis e señores  
son néboa, sombra, pó, son vento e fume.

*Pedro Vázquez de Neira*

## Soneto de Monterrey

Alá en Monterrei en Val de Laça,  
a Violante vi beira de un río  
tan fermosa, en verdá, que quedei frío  
de ver alma inmortal en mortal maça.

De un alto e lindo corpo a seda laça  
a pastora sacaba fío a fío,  
quando lle dise: - Morro, corta o fío  
- Vólveo, non cortarei, seguro pasa.

- ¿E como pasarei, se eu acá quedo?  
Se pasar -respondí- non vou seguro  
que este corpo, sen alma, morra cedo.

- Coa miña, que levas, te aseguro  
que non morras pastor  
- Pastora hei medo;  
o quedar me parece máis seguro.

Anónimo, 1530-1540

## SONETO CON FALLA

Turbas corran as ágoas; poña luto  
o aire denso, en merancia tanta;  
queime o fogo a terra, que sin pranta  
negue ao fortune ano seu trebuto,

mentras a Porcia do Filipo Bruto  
en os ombros da fama sacrosanta  
se irgue ao ceo, que súa gloria canta  
collendo en fror o xa maduro fruto,

Perdeu, marrando tan ditosa vida,  
a humildá, prezo; a piadade, tempo  
(que derrubou, oh Morte, túa gadaña);

o mundo, Reina; o rei, súa Margarida;  
a Fé, colúa; a Virtud, enxemplo;  
a pedra (cujo engaste foi), España.

Chore a nosa montaña,  
do gando, leite e novidade espida,  
semellando as abellas no exemplo:  
Que a súa Margarida,  
Reina, precio, colúa, pedra, templo,  
perden Rei, Mundo, Fe, Virtude, España,  
ti, que tal perda viche,  
¡oh, magoada Galicia, ¿que perdiche?

*Gómez Tonel*

A min chaman Teodomira,  
señora do gran tesouro,  
por estrela esclarecida  
xago neste Valedouro

O vilán que me vendeu  
máis que un mouro foi traidor  
que de Lugo a Ribadeu  
todos me tiñan temor

De min a triste Frouseira  
que por treizón son vendida,  
derribada na ribeira  
ca xamais se veu vencida.

Per treizón tamén vendido  
Jesús, noso Redentor,  
e por aquestes treidores,  
Pero Pardo, meu Señor.

Vinte e dous foron chamados  
os que vendido o han  
non por fame de sustento  
20 de carne viño nin pan.

Eles quedan por tredores  
e seu amo por leal  
pois os Reis a súa filla  
súas terras mandan dar.

25 A Deus daran conta delo  
que lles queira perdoar  
co que acabou a Frouseira  
e a vida do Mariscal

Anónimo (adaptado)